

Radøy kommune

Saksframlegg

Saknr	Utval	Type	Dato
085/2018	Hovudutval for plan, landbruk og teknisk	PS	05.12.2018

Sakshandsamar	Arkivsaknr.:	Dokumentnr.:
Einar Færø	18/2664	18/17012

Revidert handlingsplan VA-tiltak 2018

Saksopplysingar:

Radøy kommune vedtok Kommunedelplan for vassforsyning og avløp i 2016. I planane er det ein handlingsplan for tiltak, både utbygging og drift. Ein del av tiltaka er utført i samsvar med planen, andre er av ulike årsaker ikkje ferdigstilt. Kommunen har sidan planen vart vedtatt sett behovet for å oppdatera handlingsplanen både med nye tidspunkt for tiltak i planen, og nye tiltak.

Det vart sett ned ei arbeidsgruppe med representantar frå Teknisk drift. Asplan Viak, ved Tom Monstad, har bistått kommunen i revisjonsarbeidet. Revisjon av handlingsplan (VA) vart kunngjort i lokalavisane juni 2018, med frist 05.08.18 for å koma med innspel. Administrasjonen mottok ingen skriftlege innspel til revisjon av handlingsplanane.

Tiltak som ikkje er utført er vidareført i handlingsplanen. Nye tiltak er:

Vatn:

Vassleidning Storheim-Solheim

Vassleidning Hallandsvatnet-Haukåsen

Vassleidning Ishuset –Hella

Vassleidning Storsandvik-Remme

Vassleidning ved Rådhuset

Andre tiltak:

I handlingsplanen ligg «Ny vassleidning Bøvågen – Marøy». I same trase som foreslått trase for ny kommunal vassleidning ligg ein privat vassleidning til byggefelt ved Vestre Skorpesundet. Om kommunen kunne få ein avtale om overtaking av denne leidningen, kan tiltaket endrast til å gjelda ny leidning frå Vestre Skorpesundet til Marøy, og opprydding ved å få eksisterande vasskryss i sjøen på land.

For drift av eksisterande anlegg er følgjande tiltak aktuelle å gjennomføre av avsette årlege

driftsmidlar:

1. Tilstandskontroll av eksisterande høgdebasseng.
Då eksisterande basseng etter kvart er blitt fleire 10-år gamle er det trong for å få gjort ein tilstandskontroll av bassenga. I seg sjølv er dette ikkje så kostnadskrevjande, men ein må vera førebudd på at undersøkingane kan avdekka trong for ytterlegare oppgradering.
2. Auka kapasitet UV-anlegg ved eksisterande vassbehandlingsanlegg på Kolås. Kapasitet på eksisterande UV-aggregat er avhengig av vasskvaliteten. Når fargetalet stig i Ulvatnet, slik det gjerne gjer om hausten, fell UV-aggregata sin kapasitet. Fargetalet er framleis på eit slikt nivå at ein ikkje vurderer trong for utvida vassbehandling, men installasjon av eit nytt aggregat vil auka kapasiteten.

Avløp :

Avløpsanlegg Vetås –Storheim

Reviderte handlingsplanar vart presentert i møte med byggenemnda 8. november 2018. Byggenemnda hadde ingen merknader til planane.

Rådmannen sitt framlegg til vedtak:

Reviderte handlingsplanar for vatn og avløp vert godkjente slik dei ligg føre.

Hovudutval for plan, landbruk og teknisk - 085/2018

PLT - handsaming:

Leiar teknisk drift orienterte og svara på spørsmål.
Hovudutvalet vedtok rådmannen sitt framlegg til vedtak.

PLT - vedtak:

Reviderte handlingsplanar for vatn og avløp vert godkjente slik dei ligg føre.

Vedlegg:

Kommunedelplan for vassforsyning
Kommunedelplan for avløp
Revidert handlingsplan VA-tiltak 2018
Referat byggenemnda 081118